

四庫全書

集部

欽定四庫全書

文端集卷二十五

大學士張英撰

存誠堂集二十一

近體詩三十四首

夜出神武門

馬散天街濶長隄偃玉虹空林晴雪後寒月水煙中人  
聚平橋火鴉翻古枯風梅花香載路清夜故園同

十二月二十日

內直看趙松雪水邨圖三首

風流無奈趙王孫  
畫出江南水上邨  
瞥向澹煙疎柳處  
依稀重認舊柴門

青箬吹香雨後風  
秋山秋水總空濛  
誰將寶穡堂前景  
移入觚稜晚照中

寶穡堂予松湖別業名也

眾畢閒來挂短籬  
潮生風急雨如絲  
鵲華秋色無由見  
沙渚煙汀澹益奇

董文敏跋云松雪畫鵲華秋色圖與此圖同為王敬美家物此圖澹遠更

出其  
上

二十二日

內直看李公麟龍眠山莊圖粉本

畫裏龍眠首重回笑余新自故山來祇今欲覓垂雲泚

難洗空青萬古苔

圖中有垂雲泚今  
尚可髣髴其處

丙寅正月二日

內直用司農梁公除夕韻

山澤臞姿恰五旬重來宮掖物華新為沾柏葉尊前酒

乍覺桃花頰上春，內直銜殘猶對客。故園梅發正懷人，東風青徧王孫草。不減霜毫色似銀。

唐六如畫梅花折枝二首

凍蘂寒香似有情，當窗忽見一枝橫。不緣人與梅花似，敢折梅花為寫生。

六如居士本天真，澹寫疎梅筆有神。恰似春深花落後，披帷初見李夫人。

寄題繼谿草堂四首

別業依青嶂農家共一林  
泉流芳砌徧花隱曲廊深  
才子耽幽事佳時愜賞心  
春風正駘宕遙憶舊登臨

山麓斜分徑花叢隱結廬  
翠煙凝古檜碧澗亂紅蕖  
闢地貪分竹疏池學種魚  
老親多暇日一卷課春耬

石門飛瀑近為置一亭  
看松影層巖合梅花曲徑盤  
晴空雲自白春盡雪常寒  
恐被徐凝誚題詩欲寄難

共有園林僻多君逸興賒  
輦移幽磻石船載冶城花  
勺藥扶朱檻篋蓄護碧沙  
那堪人日過相望在天涯

題嚴蓀友為澹人畫江邨草堂圖二首

漠漠煙汀接短籬  
打魚船繫綠楊枝  
有人草閣青鐙裏  
卧聽江湖月上時

自是才人寄託遙  
等閒畫出便蕭蕭  
待予小艇來相訪  
記取谿邊畧釣橋

憶仲兄湖上三首

湖山存舊業  
浩淼接長川  
宅倚平安竹  
門迎伏臘田  
桔槔紅樹外  
苓箸綠楊邊  
雞黍南垞近  
相畱可判年

地偏人事簡，長日閉花闌。  
潮接當門柳，青回隔岸山。  
家纔秔稻足，亭共水雲閒。  
常有深秋約，芙蓉曲沼間。

湖干栖仲子，生計託漁莊。  
西塞山前雨，青蓑笠子香。  
花間看織網，煙際聽鳴榔。  
他日鳩孫子，扁舟老是鄉。

東臯為伯父方伯公舊園姪我思新之

跨礧平橋古，東臯俯一川。  
稻花吹柳陌，山翠接城煙。  
蘊藉推前輩，風流倚後賢。  
路人談往事，池館似當年。

秋樹草堂



金匱山房詩集 卷二十五  
路指喬松入幽居近復偏曲廊憑古木傑構傍名泉  
春晝檐花密霜晨嶺樹妍娛親見昆弟時導板輿前

似古山房

境外幽人宅庭軒倚翠微斜過深竹徑忽見亂泉飛  
湍急連朝雨寒添六月衣主人搖落後蘿薜閉山扉

泳園

數武離闌閨涓涓響澗泉鳥闕筠館靜花亞石池圓  
深翠孤亭出平蕪遠岫懸與子栖鶴地只隔女牆煙

越巢

路傍青谿轉垂藤見華門竹孫新穉滿梅子綠陰繁見  
客短衣慣尋山舊笠存草堂書擁坐吟歎閱朝昏

河墅

春光宜北阜冬日愛南榮倚石長廊邃當軒曲沼清荷  
藏新浴鶴柳待舊啼鶯舉趾先疇近移家看耦耕

正月十六日扈從南苑看煙火二首

春城歌吹傳柑日南苑

宸遊詔許從星渚霞標紛萬象銀花火樹涌千峯

明月初平蟠螭橋彼都人士夕相招紫煙破處紅鐙出  
十二珠簾倚碧霄

春山用阮亭韻三首

霏微殘夜雨山路不成泥舊燕尋巢入幽禽選樹啼秧  
隨春水綠花向夕陽低谿上堪行樂心情付杖藜  
鹿若深藏屋牛涔淺印泥草花雙蝶繞谿樹亂鶯啼楊  
柳吹綿嫩櫻桃結子低老夫猶健在閒與荷青藜

荷耒臨澗谷閒洗種花泥隴雉衝人過谿禽照影啼雨  
催松甲滿風約麥痕低童子呼朝飯新香出糝藜

直廬中同說巖先生讀阮亭南海詩即用其見贈

原韻寄阮亭

風雪山城別天涯復幾時梅花江北路荔子嶺南詩不  
覺清吟久重聞禁漏遲直廬相憶處應遣故人知

送友人歸郁洲山

山在海中去海  
洲岸四十里

春明歸權客栖隱郁洲山瀕洞風塵外煙雲杳靄間東

溟銀漢接西塞綠蓑閒奇思兼清興扁舟恣往還

香山集有潯陽三春詩作

帝城春三首

春生

雪晴宮瓦碧參差澹沲春生太液池冰泮有聲微綠處  
柳垂無力嫩黃時窗橫梅蘂香初覺衾覆貂褕暖漸知  
幾度江南還冀北莫嫌花信較來遲

春來

鳳城遊騎錦鞵香桃李隨風出御牆陌上清明沽酒鬧  
擔頭紅紫賣花忙新鶯樹底啼春晚雙燕梁間話晝長  
開徧杜鵑山徑合可能無憶陸渾莊

春去

梅子離離葉底青小園春去戶常扃拋來風月知誰管  
老卻鶯花不暫停上苑朱櫻初入籠豐臺紅藥乍登瓶  
子規催徧千山綠深掩芸窗怯與聽

題禹尚基江邨圖

昔愛王孫筆踈楊映水邨浦煙迷釣艇江色動柴門復  
見高人致惟存澹墨痕期君深卜築畫裏著庭軒

文端集卷二十五

欽定四庫全書

文端集卷二十六

大學士張英撰

存誠堂集二十二

近體詩三十四首

七夕前一日次說巖先生韻

隔歲偏如此夕何南飛烏鵲待相過層霄夜覺新寒蚤  
碧落人羸別恨多茉莉晚風吹小苑梧桐疎雨墜秋河



兒童預擬穿鍼節共拜盈盈清淺波

十二月七日從院長除兵部侍郎

慚無藻思佐文風詎有良謀翊武功猶喜官階隨座主

共論邦政絳紗中

時真定梁公  
為大司馬

讀子瞻詞

老夫終日為花忙一日三迴索酒嘗三十年中儘瀟灑  
也應三萬六千場

丁卯人日題畫八截句

漸引樵柯入白雲東西路傍石梁分空山舊是經行處

碧澗長松斷事墳

方斷事公墓在山園北有茂松清流斷事死建文難

遠漲來時嶺岫明山腰樹杪白波生披圖似共春山響

石馬潭邊雪浪聲

石馬潭乃山徑最佳處

翠壁丹巖影倒垂橫斜多有瘦梅枝水邊但著閒亭子  
便是丹青絕妙時

媚筆泉光舞雪濤蕭蕭霜葉響林皋潮痕新沒平沙路

策杖難辭度嶺勞

媚筆泉有竅經水深則深四五尺儼然碧潭矣別取徑山麓古栗數十株

黃葉霜天酷  
似此圖也

解纜朝辭黃鶴樓  
隨風吹過白鷗洲  
千頃平湖青竹筏

一聲橫笛葦花秋

此景畧似松湖

碧澗香杭水自春  
山椒路倚兩三松  
畫圖瞥見曾相識

新買鄰家若箇峯

山園新買北峯髣髴似此

煨芋爐頭活火生  
松肪偏照讀書明  
棲鴉何事忽驚起

雪壓枯楊夜有聲

煨山芋點松火雪夜讀書自是山勝境曾聽雪壓枯枝有聲乃實景也

擁被推窗未覺寒  
松巖竹鵑雪漫漫  
窗前堆滿千峯白

落盡梅花始放看

丁卯人日暫得休沐出安節弟兄畫冊各系以詩其中多有與故山髣髴

者詩意亦及之誌吾好耳

### 送徐電發還吳江

徐孺東歸惜別離  
吳舸春泛日遲遲  
驚看笠澤人千里  
愁折旗亭柳一枝  
風物尊鱸誇勝地  
鄉園梅筍正佳時

沈郎謝病應相見  
為語年來滿鬢絲

沈雲步與電發同里

### 放衙

放衙差蚤意飛揚  
拍馬歸來底事忙  
紅蓼暗隨秋雨發

綠槐初轉午陰涼  
閒眠舊榻堆書滿  
近隔疎簾焙藥香  
何必松風筠露下  
高懷方許遂清狂

六月除禮部右侍郎仍兼學士

文昌卿席已頻登  
報國酌知總未能  
慚愧

君恩時記取名銜  
依舊一條冰

玉簪花二首

清芬合是水僊儔  
屋角牆陰作意秋  
多感西風偏解事

為儂琢出玉搔頭

高髻濃梳翠鬢勻寶笄初見一枝新誰知瀕洞風塵裏  
別有冰心玉骨人

中庭小作藥欄

一年花事藥欄收短架踈籬引蔓稠雨後有蛩晴有蝶  
露葵宜夏蓼宜秋高眠怕聽敲門客飽食甘為抱甕儔  
何必園林千萬樹探奇選勝作歡遊

答中州冀渭公

皓鶴翩躚刷羽遙錦江歸後卧煙霄高談舊接烏衣里

金步四八  
卷二十六  
古貌新逢玉竦橋久駐丹顏詩轉細重添蒼鬢雪潛消  
蘇門自是神僊窟宏景松風定可招

枕畔

枕畔傳香漏銓前攬布袍天青殘月白漸覺曙光高  
聒耳雞聲蚤驚心蝶夢勞如何霜鬢滿歲月等秋毫

秋海棠

豆莢踈籬引蔓長水紅花映夕葵黃新秋晴雨多無準  
一片閒情護海棠

畏人

華林西畔遠，  
囂塵深掩庭扉。  
慣畏人蟻戰，  
酣時眠白晝。  
馬蹄忙處乞閒身，  
花開不覺臨窗久。  
棗熟猶思上樹頻，  
楓茜蟹肥黃菊近。  
夢回鄉國最情親。

武仕弟從楚移米及盆桂至

香稻流匙滑，  
秋花繞榻開。  
最憐鄉味好，  
遠附客艘來。  
涼月懸當戶，  
霜螯佐舉杯。  
久稀深夜坐，  
茲夕重徘徊。

題冀渭公所藏楊椒山畫梅花並詩卷子四首

有序



椒山先生當明世宗時抗言罹禍冀梅軒公時為刑曹  
陰左右之椒山畫古梅并繫長歌貽梅軒孫渭公世守  
之當時文人繼和題識甚夥夫椒山之為臣子致身君  
父梅軒之為寮采急難友朋渭公之為子孫顯揚祖父  
諸公之為篇什裨益風教覽斯卷也四善備焉皆可述  
而頌也

折取寒梅贈披圖見古人祇因霜雪苦彌覺色香真朋  
友存膠漆文章護鬼神貞風薰大雅吟罷卻沾巾

浩氣凌巖谷寒葩恥豔陽獨留孤幹在長蔭百泉香舊  
蹟傳丹萼新詩滿縹囊斗芒如可燭嵩麓有輝光

斯人皆已沒墨瀋未全乾大節臣心苦危途友誼難開  
花偏曲佶結子總辛酸滿紙寒光透從君作史看

蚤年耽道味還自蜀江潯人有宗風在詩皆祖德吟高  
談驚廣坐長獻返幽林看取天心復梅花託意深

渭公  
從蜀

中太  
守回

### 寄丹楓

相憶城陰一草亭，祇今耆舊若晨星。  
謝家羣從推模楷，江左宗風賴典型。  
山色遠隨鳩杖徧，松聲近傍鶴巢聽。  
何時石馬潭邊路，共向雲深劇茯苓。

重至馬蘭峪一首

古塞重為扈

蹕行清時惟見樂，春耕山迴夕照孤。  
邨出月上疎林萬幕平，沙路雙單留戍堡。  
雲峯高下隱邊城，青松如舊鬚鬚白。  
卧聽蕭蕭班馬聲。

和澤州先生寄湖上翁韻二首

湖干新與寄詩筒  
心逐蒲帆向遠空  
鄉國山青頻入夢  
弟兄頭白總成翁  
瓊瑤乞得皆奇字  
蘭蕙貽來盡好風

四面芙蓉亭上客  
剡牋深映一谿紅

湖上翁有亭在水  
中余取右丞句頗

之曰四面  
芙蓉亭

種菜連畦灌小筒  
漢陰機息萬緣空  
多年車馬城中客  
幾見漁樵澤畔翁  
千嶺曉光憐遠翠  
一湖新綠愛微風  
相思最是桃邨路  
花落春深滿徑紅

新營陽和坊宅

新結幽居瞰碧塘  
綠楊深處水芝香  
煙霞漫擬期僊磴  
竹石聊同履道坊  
南郭花邨連綺陌  
西山翠嶽入斜陽  
扁舟更泊芙蓉岸  
穩置漁竿與筆牀

讀易樓下紫牡丹以十月作花四朵極為繁艷

洛水名葩手自栽  
紫英曾自魏家來  
那堪故國三年別  
又報春花十月開  
國豔漫誇凝露質  
天香還有拒霜才  
鄉園兄弟爭吟賞  
遠慰離情錦字裁

奉輓座師宛平劉公

杏苑曾分一顧榮  
孝威風度滿西清  
北平祭戟傳家世  
京洛文章數弟兄  
易水幾年蓑笠往  
西山昨日杖藜行  
重過宣武門前第  
總帳淒涼百感生

文端集卷二十六

欽定四庫全書

文端集卷二十七

大學士張英撰

存誠堂集二十三

近體詩五十六首

己巳春日入鄧尉山九絕句

虎山橋外柳谿斜  
接屋連邨學種花  
自是山田收穫少  
梅園桂圃是生涯



萬峯山北野人家  
筍菊新為客  
點茶借我片時高閣上  
輕煙細雨看梅花

百疊雲生震澤湖  
春衣端不耐沾濡  
叩門一笑翁迎客  
莫訝田家雨具無

墓田丙舍傍湖偏  
夜扣花關一餉眠  
曾寫分雲亭上額  
白雲相待已年年

予家居時念齊索予書分雲亭額  
取放翁白雲一半肯分吾之句

馬家山畔筍輿來  
曲徑深松雪萬堆  
已見香光雲壑滿  
梅花未報五分開

平生野性癖煙霞此地端堪老歲華  
巖桂嶺梅連巷陌結廬但看四隣花

鄧尉山南古殿臺金銀佛寺面湖開  
千松影裏丹樓出萬頃波心白舫來

西施洞口野花明  
晚瞰南湖鏡水平  
石上千年珠履蹟  
春風又見綠苔生

柳色輕柔綠漸勻  
杏煙初破一枝新  
鶯花弄盡春情態  
無計堪留瞥過人

過雙泉草堂

太平橋畔故人居小作林塘致有餘  
曾憶廿年攜手處雙泉猶是種花初

冷泉亭

百尺蒼巖灌木陰一谿流水寺門深  
香山作郡杭州日幾度斜陽伴醉吟

雲棲

複嶂層巒一徑紆綠筠蒼栝密還疎  
行人莫漫增留戀

儘有家山得似渠

靈隱寺

靈鷲煙霞古木新  
飛來峯色最嶙峋  
誰教琢取成龍象  
掩卻名山斧劈皴

錫山秦家園二首

墅繞清池一鏡圓  
亭橋花竹各便娟  
為園近傍名山側  
石罅分來第二泉

老樹霜皮態轉妍  
含清堂畔綠陰偏

至尊相問何年種自入秦家二百年

夜登江岸至瓜步

心驚浩蕩古江濱  
漁火人家夜問津  
古寺月沈鐘定後  
一甌香飯最甘人

汎舟入會稽二首

蘭渚風流久寂寥  
夜深雙槳一谿遙  
江峯雪霽懸孤月  
澤國春寒長暮潮  
麥隴青青迷斷岸  
煙邨漠漠聚平橋  
從來酷愛龜堂客  
欲薦湘蓴未可招

越水吳山舊溯洄廿年白髮儘相催誰知禹廟空山裏  
又扈鸞旗翠輦來

七弟從靖江來晤於毘陵

海雲忽送雁鴻聲來伴春帆一日程身到江南仍是客  
牀聯夜雨若為情鬚眉濩落宜高卧巖谷荒涼待耦耕  
相對扁舟思轉劇釣竿煙水足平生

西郊

蒼茫山色紫泉宮風土清佳鄩杜同橋跨綠疇藏宛轉

閣憑芳樹隱玲瓏竹邊花蘸霏微雨柳外舟移澹蕩風  
最愛南邨谿水碧潺湲聲入上林中

宿邨墅

邨墅門臨驛路傍暫移襪被置匡牀涼生暮草蟲先覺  
月近秋宵漏漸長蝶夢我貪蕉鹿在馬蹄人逐曉雞忙  
年來萬事惟推分喧寂無心亦兩忘

坐谿上卻憶

薄有城南數畝池終期歸老結茅茨細吹綺縠風生處

滿泛金波月上時  
蒲葉影中藏翡翠  
藕花叢裡宿鷓鴣  
華林西畔香谿水  
靜對無端寄所思

讀白詩二首

醉吟千首總蕭疎  
底事閒情苦讓渠  
世上風光全管領  
蘇杭太守洛城居

霓裳舊曲三升酒  
履道新居十畝池  
不解樂天緣底事  
猶從宰相乞分司

名園



水流琴筑樹生香十二紅闌繞曲房一徑晚花春未去  
數聲啼鳥日偏長露桃枝覆銀牀濕湘竹簾深綺戶涼  
獨有金籠鸚鵡意含愁不解愛雕梁

賦得老農詩十四韻

檢點人間事為農樂不支但知勤四體不解蹙雙眉歲  
月催耕管陰晴布穀知灌花朝抱瓮護竹夕編籬荷鋤  
輕蓑穩腰鑣短褐宜一犁春雨後雙屐晚晴時柳岸收  
魚筍花邨趣酒旗兒孫居比屋姻婭滿東菑饒有閒懽

笑都無遠別離先秋輸井稅及暖蓋茅茨菑長雞豚社  
家隣土穀祠放歌忘遠近薄醉任傾歆略識租牛契粗  
聞秧馬詩義皇如可接沮溺是吾師

題截句成復為此亂之

榮枯喧寂由人看饑飽寒溫著自身不會心人端不解  
千秋定有會心人

一枕

一枕邯鄲鬢已絲僂翁未喚醒遲遲無端富貴兼憂懼

總是黃粱未熟時

追涼

追涼陪侍宿郊垞  
退直披襟柳下亭  
雨後西山如畫處  
晴霞襯出遠峯青

憶昔

杏園猶憶昔年春  
齊到蓬山十五人  
松院壺觴時並入  
槐廳鐙火夜相親  
回頭半是凋殘客  
屈指稀逢強健身  
我較諸君良厚幸  
豈容更惱鬢華新

康熙六年時同入翰林者終念齊形

張禮存玉裁董黠卷訥夏隣湘沅史子修鶴齡盧西寧  
琦謝瞻在兆昌儲玉依振潘起岱翹生唐階藻朝彝丁  
次蘭蕙王子厚曰溫楊簡人仙枝劉茗水澤溥泊予十  
五人今禮存隣湘子修起岱子厚簡人茗水皆物故

郊居多暇因編輯舊詩

華林西畔柳芊綿  
儗得農家屋數椽  
散步不離鶩鴨隊  
閒吟一到芥菘邊  
繩牀竹簟新涼夜  
茗椀絺衣夕照天  
獨住經旬差小快  
笥中詩草與重編

新月

一灣初月影纖纖  
清淺餘光照短檐  
天上玉鉤閒處著

新涼正下水晶簾

試取三首

乍聽寒衣動暮砧  
雲輕河淡漏沈沈  
秋宵漸覺遲眠好  
試取冰絃作泛音

桂候蘭時一擲過  
偶然獨醉強嵯峨  
黃雞白日人空老  
幾聽玲瓏宛轉歌

一枝樓借十年恩  
階走瓜藤雀報門  
再到西華無箇事

金黿重字第三孫

題蔡方麓趨朝圖二首

雞鳴盥漱古良箴  
敢怯新霜戀錦衾  
香暖朝衣留宿火  
從來辛苦近臣心

觚稜曉色動栖烏  
中夜頻傳

內勅呼新出詞頭  
金鳳紙吮豪  
惟待蔡君謨

從湯泉望長城

設險謀雖遠  
勞人事不經  
萬夫成白骨  
百雉入青冥  
迢遞經巖壑  
憑陵矗日星  
大哉堯舜業  
荒服與來庭

與湘北素存兩先生訂遊盤山予以扈從溫泉不

果往

共有名山約褰裳惜未從予方臨翠沼君已躡雲峯老  
衲茶瓜話深林虎豹蹤憑將幽絕處說與未來筇

茅山僧二首

路入谿研瘦石稜寒雲片片壓枯藤馬知古塞荒山窟  
猶有楞伽白髮僧

已公茅屋杳難尋但有鐘聲落翠岑白草滿山行徑絕

石龕松火閉門深

夜坐福泉菴三首

松老泉幽夜轉清  
蒲團火暖話無生  
添香正是傳鐘候  
繞殿時聞讚佛聲  
放眼雲峯千點外  
回頭塵界一毛輕  
誰人肯勸歸休蚤  
惟有山僧不世情

斗室爐溫失曉眠  
一鐙話向老僧偏  
浮生最是閒難得  
消得華清第一泉

南塘故跡已茫然  
閱武亭荒暮草煙  
惟有殘碑數行字



遊人哦向石池邊

讀山谷烏帽紅塵之句有作二首

太液冰開社日前  
春波搖動綠楊煙  
朝昏贏得頻偷眼  
玉竦橋西水貼天

年光漠漠不相關  
烏帽紅塵日往還  
無限桃花春浪暖  
芳汀惟有白鷗閒

四時詩

小閣輕陰近竹西  
窗間人與玉蘭齊  
珠簾初卷杏花低

避暑層軒俯激湍一庭風露洗紅蘭北窗千挺碧琅玕  
十里明湖峯更青白鷗黃葉滿沙汀四面芙蓉一水亭  
別有輕寒處士家小窗深院曲欄斜一樹黃梅蠟瓣花

十二月十日除大司空有作

苦思巖畔閱耕農蠖蟄禽棲一畝宮深愧衰慵無報稱  
濫將名姓列三公

聞友人談吳下園亭之勝輒仿白意二首

千堆松色壓層巒一帶桃花覆碧灘莫漫吾廬嫌窄小

煙雲林壑望中寬

岸梅交影落清渠  
亭榭無多致有餘  
三十年來花下坐  
餐香飲翠更誰如

新從谿外購得南莊

舊來遊憩地  
隔水得幽巖  
谷口看逾曲  
嵐光望轉寬  
送迎雙澗繞  
奔繹衆峯攢  
好種松千挺  
青山夢可安

文端集卷二十七

欽定四庫全書

集部

文端集卷

二十八至  
三十一

詳校官庶吉士臣汪彥博

助教臣常循覆勘

總校官降調編修臣倉聖脉

校對官中書臣葉蘭

謄錄監生臣王駿

欽定四庫全書

文端集卷二十八

大學士張英撰

存誠堂集二十四

近體詩九十五首

送友人之建寧幕

嚴陵江路接東陸碧澗丹巖憶武夷此日秋山應待客  
吾家太守最能詩欲知風物看蘭樹難遣鄉心託荔枝

舊是紫陽遊學地景行還與薦芳籬

太守謂潁州兩如

七月除大宗伯兼掌翰林詹事賦此

清卿三縮紫金魚深懼衰慵報答疎折坂何堪重叱馭  
拜

恩雙闕意躊躇

予昔從院長遷少司馬

石匣鎮

古戍荒山窟煙雲朔漠連沙吹邊地雪峯接塞垣天龍  
節新恩駐魚符故老傳空城留石匣形勝憶當年

密雲

遠岫橫雲際蒼茫入望平  
雙崖分古道千嶺帶孤城  
此日虛亭障當時駐甲兵  
霜風吹白草猶作暮鉦聲

曾於呂僊祠夢中得中二聯  
歲久憶及因續成之  
芝房蓮漏漸稀微  
髣髴高吟舊竹扉  
斑剝莓苔侵客戶  
空濛蒼翠濕人衣  
春風浩蕩蘭盈把  
古樹披離栗十圍  
此意分明曾說與  
豈應長遣素心違

歲晚寄廷玉廷璐并與霖孫八首

辛苦銜泥葺敝廬  
畫梁香壁燕雛居  
來年驚蟄春風晚  
頻寄南塘種樹書

圃藝新花足寄情  
池籠疎柳好經行  
從來剝啄非佳事  
一任苔痕滿徑生

來往經過谷口居  
烏衣子弟愛謙虛  
谿邊長者鬢眉古  
記取臨流蚤下車

長安莫道隔天涯  
怕聽喧傳輕薄兒  
咫尺牆東家督近  
端嚴直諒舊吾師



圃翁生計癖煙霞藉汝頻來探物華  
屋漏牆傾猶不惜十分珍重古梅花

新購谿南十畝莊經營惟有種松忙  
春煙春雨移花日須向前山蚤斲將

柏酒初堪樺燭明須知慈母此時情  
少年努力承歡處里巷人稱好弟兄

少小離家遠御輪春風不見佩蘭人  
煙波彭蠡湖邊路一棹歸來最愴神

歲晚有懷山莊八首

一林香雪錦平鋪  
擬結危樓瞰玉壺  
不道十年空有願  
竹雞松鼠占高梧

門對橫塘映碧虛  
一園梅影落清渠  
每從行飯花陰裡  
悄地來闚玳瑁魚

西嶺虬枝偃蓋團  
蒼煙翠雨照人寒  
寄聲隣舍賢孫子  
好護松楸與借看

隔谿新墅比柴桑  
翠壑丹巖繞石梁  
別擬傍山成小徑

便從竹崦過南莊

小構亭軒轉曲廊  
方池紅白水芝香  
行人爭道垂楊好  
百尺青絲拂地長

曾見公麟舊粉箋  
黠鬢髻尚依然  
空潭片石垂雲泚  
相國重題媚筆泉

方壺曾往叩僊靈  
卜盡筵尊百不聽  
歸路只隣春枕上  
夢魂偏識衆峯青

寒宵鐙火夢初親  
呼我芙蓉島上人  
它日谿南種秋卉

明霞千片隔紅塵

除日

內直

老來何處送年華  
簾額薰爐本內家  
請看閣門春帖子

一聯鳳綵映宮花

鳳綵句乃  
門聯也

瘞馬詩

白家駱馬已長辭  
瘞向郊原解敝帷  
猶記翻盆深夜雨

獨乘電影過橋時

澤州先生見和前詩復次韻二首

線存清蹕遠從行蹠蹠霜橋夜嚮明在日幾曾金絡首  
空令帷蓋有餘情

自是平生足畏途不憐宋鶴與韓盧  
死生堪託由來重  
垂老風塵歎所須

遺山集中有陶淵明晉之白樂天語

采菊風期近自然醉吟猶未免  
蹄筌辨香元自歸彭澤  
謾說淵明似樂天

送弟梓一之粵東二首

桂雨蘭香盡日吹  
嶺南風物重相思  
來遊正是春深後  
細把輕紅劈荔枝

邸舍頻年話遂初  
勸栽松竹藝芙蓉  
南來好作歸田計  
穩向湖山蚤卜居

晚出端門詣齋所

萬點昏鴉集鳳城  
晚隨金鑰出承明  
澹烟斜月籠高樹  
匹馬空庭齧草聲

禁中觀趙松雪秋林渡水圖即用其韻

古柳橫谿積蘚苔飛軒正對雪波開  
隣翁不負尋秋約  
黃葉黃花渡水來

燕文貴寒浦魚罾圖

煙水茫茫澹益奇更添沙尾宿鷗鷺  
葦葭斷處維孤艇  
一幅襄陽孟浩然詩

李昭道山水殿閣圖

複閣重樓倚翠峯朱橋畫舫碧流中  
令人猶憶秦川好

髣髴甘泉繡嶺宮

黃荃雀梅圖

一幅鶯谿見化工雀梅小景占春風  
千年枝上留殘雪  
曾入宣和畫譜中

蚤過玉竦橋二首

承光殿影白波翻古栝清陰覆短垣  
忽見柳絲青拂地  
夜來微雨過西園

寒食人家插柳條水雲亭畔碧波遙



御園花事春如海來往低迷玉螭橋

夏淺二首

桑葉陰濃水滿池荷錢暗與落花期山櫻鳥啄紅珠顆  
林筍人餐碧玉枝香霧氤氳迷粉蝶歌聲宛轉變黃鸝  
千金難向人間買夏淺春深最好時

身逐霜蹄底事忙吾廬高寄水雲鄉舊營花隴三間屋  
新購谿橋十畝莊邨繞綠疇偏衍沃峯圍紫翠總蒼茫  
何緣卻向風塵老白盡髭鬚減盡狂

憶秦園山茶

憶昔毘陵細雨中  
秦家樓閣正春風  
窗窗堆滿梅花雪  
襯出山茶一樹紅

辛未夏至有事北郊說巖先生齋宿于冬曹南亭  
子齋宿于翰林蒙惠以詩即次來韻

陌上楊花水上萍  
人生偕爾寄青冥  
曉趨蓮漏同雙闕  
夜展桃笙各一廳  
欲問海山家更遠  
不逢僊伯夢難醒  
冬曹槐蔭詞曹月  
檢點流光已再經

先生重領冬官  
予亦再掌院事

西郊雜詩二十七首

偶隨

清蹕侍甘泉長得追涼日暮天夕照西山雲脚起攜詩  
吟到菜畦邊

幾簇戎葵繞砌開久無新雨到根荻不逢閒客憐顛顛  
誰汲清泉一勺來

夕槐蟬噪晚風清小徑閒行菜甲生瓜架忽看新水到  
桃花井畔轆轤聲

柳墅門前官道鋪黃雞白日聽傳呼詩中差見田家樂  
猶有蘇州范石湖

北牖南榮借一亭豆苗瓜蔓葉青青老翁庠水分畦白  
小作潺湲亦可聽

草含珠露柳含煙再展匡牀一餉眠何處人間偏睡美  
曉星東上欲明天

炎風炙日劇愁予擬結他年避暑廬檐接高梧窗映竹  
方塘三畝種芙蓉

西隣一徑槐成幄南陌千邨柳作堆獨惜眼前雙樹好  
海棠開日不曾來

柳陰沙路入湖灣方丈蓬壺指顧間聞道

御舟牽纜處芰荷香裡看西山

不須桃李鬪天斜底事芙蓉颭晚霞最是野田芳草畔  
一枝閒澹女郎花

少小日長思隱几冬烘頭腦意難堪一從失却青青鬢  
始覺人間午睡甜

夜雨連朝入曉晴  
困倉從此慶豐盈  
經旬不到南來雁  
農事頻牽故國情

蒼茫邨樹綠煙霏  
紫翠千峯日半規  
獨立菜畦耽晚色  
平生珍重夕陽時

殘月微涼透碧紗  
草根蟲語不成譁  
階前綠蘸戎葵葉  
帳底香清茉莉花

郊垞自昔晚涼偏  
爍石流金首伏天  
聞說紅塵最深處  
連宵揮扇不成眠

平疇一望接林臯，愁見芸田炙背勞。  
聽徹檐前深夜雨，青青禾稼過牆高。

前朝陵墓久滄桑，石馬豐碑卧夕陽。  
底事中涓留一窟，至今爭蹋萬泉莊。

濃陰高柳蟬千樹，嬾綠新蔬蝶一雙。  
極目蒼煙十餘里，遠過紅壁隱瑯窗。

翦拂檐花秋轉盛，經行畦菜夕偏涼。  
但容飽食安眠過，何必林泉是故鄉。

人生自昔退休難  
小住茅茨便足懽  
繞砌露葵花灼灼  
高眠近隔碧紗看

星火西流節叙更  
簞痕新覺蚤涼生  
白楊葉上蕭蕭雨  
已作秋宵第一聲

秋老煙光最所耽  
作書頻與報江南  
龍眠萬嶺丹楓色  
為我殷勤十日探

一從騷雅流傳後  
大抵羈愁與賤貧  
若論今古吟詩客  
如我猶為幸甚人



花名金鳳苦低微  
萱草叢中接翅飛  
恰似邨莊小兒女  
銀釵綠鬢紫羅衣

青龍橋畔柳毵毵  
野色泉聲性所諳  
莫訝夕陽吟望久  
水邨漠漠似江南

御苑西通輦道鋪  
水田秔稻雜菰蒲  
千峯黛色頻回首  
十里秋荷裂帛湖

淙淙野水亂成谿  
穀獲稻人家近大隄  
閒過牛莊小邨落  
秋風禾黍瓮山西

觀內府藏宋理宗不允陳鞞辭官手札真蹟

秋壑朝堂秉政初士林風節更何如當時猶有辭榮者  
屢降南朝鳳紙書

題高子奮僧話圖

庭軒新闢徑三三瀟灑幽偏性所耽別墅種花閒歲月  
寒巖息影老瞿曇蚤年車騎羅雙戟此日維摩共一龕  
若問棠陰舊時路至今垂蔭滿江潭

寄題儀園

幽居近傍女牆斜，小構林塘領物華。  
舊圃結廬饒水石，山城出郭有煙霞。  
門穿翠竹歲蕤徑，亭對寒蓉爛漫花。  
閒道南園佳樹滿，許分春事及隣家。

汝書許贈予  
花樹故及之

### 雨夜

暑入連朝酷涼因，夜雨頻西疇欣。  
有稼南陌淨無塵，峯矗雲陰薄煙開。  
草樹新郊居觀物，候禾黍最情親。

### 寄二兒廷玉兼示六姪

曲沼春流石岸平，迎涼擬構屋三楹。  
欲教颯颯清風滿

安得陰陰灌木成好種碧梧籠小閣最宜脩竹帶高城  
板橋南北留閒地看取波光與月明

讀李獻吉集

清時萬類轉龐鴻宮羽皆含正始風格律尚存元氣在  
時人莫漫謂崆峒

西郊

西郊因扈直分地禁林陰別館晴花滿西山落照深軒  
車諳世路鮭菜發鄉心節序催殘鬢生涯付苦吟

讀樂天詩

放懷天地總蕭然前數潛明後樂天竹石幽居伊水入  
霓裳法曲柳枝妍家無塵累身兼鶴詩有煙霞宦亦僂  
為問洛陽歸老日東都賓客太和年

樂事

梅花帶雪壓朱闌次第探春到牡丹曲沼波光翻碧藕  
小軒風露洗紅蘭涼生翠竹雲千畝秋老寒蓉水一灘  
自是人間饒樂事只應收拾到身難

放翁有馬上時看擔上花之句賦其意

斲自花畦破綠苔老翁家本住豐臺  
擔頭聲喚春風起郭外人衝曉露來  
未覺色香經宿減乍驚紅紫一籃開  
道傍有客垂鞭立歎息鄉園沒草萊

午睡

蕭蕭禾稼滿西疇細雨輕煙盡日秋  
撥火添香難遣悶開緘披卷恰生愁  
陰陰况復槐當午栩栩宜從蝶與遊  
斗帳冰紈湘簟碧策勲先覓睡鄉侯

六姪為予說社壇之勝賦此

路隔層層石子河數椽茅屋寄巖阿只因礀壑離塵遠  
更覺煙嵐入畫多社日賽神宜共往花時避客合潛過  
三年未遂尋幽興為問松杉近若何

初秋

竹牀冰簟晚涼生雲淨峯高露氣清南去鴈鴻秋有信  
西流河漢夜無聲看過燕乳締衣謝聽到蟲吟羽扇輕  
今古盈虛觀物理且沽邨酒與同傾

四兒廷璫送四女子歸南還

黃犢中車蚤戒塗  
小年兒女涉江湖  
方知白傅詩中意  
苦愛朱陳嫁娶圖

郊居同近公

杜曲曾誇尺五天  
華林况接禁庭煙  
峯迴紫塞圍千畝  
地近丹陵涌百泉  
柳大隄偏綽約  
草花別墅亦幽妍  
何須苦憶江南北  
豹尾雲中可判年

步西郊



步屣農家小憩留便堪俛仰狎滄洲不嫌南陌車塵近  
苦愛西隣樹色稠半圓芥菘迎曉露一川禾黍媚清秋  
卻思兄弟躬耕處萬頃湖田數白鷗

題憚南田雜卉頁子七首

粉桃花

冰綃為骨玉為情宋玉牆東笑靨生一樹碧桃含露綻  
人間原有許飛瓊

蠶豆

隔歲霜苗雪覆籬  
新香蠶月上花瓷  
從來野藪饒風味  
笋綠櫻紅恰共時

朱櫻

朱果垂枝近小樓  
黃鸝啼過綠陰稠  
何人為動金鈴響  
一任山禽啄未休

牽牛花

數枝紫蔓短籬東  
臘月殘風曉露中  
雨過天青好顏色  
被誰偷入野花叢

秋海棠

最憐娟秀倚朱闌  
性潔情孤灌溉難  
城北僊泉那易得

秋花七載未容看

北城僊姑井水  
灌之葉不萎

蠟梅山茶

平生酷愛黃梅萼  
一入京華繫所思  
溫室從教簾覆地  
頻年不見歲寒姿

菊花

舊譜傳來菊種繁  
秋英端藉玉為魂  
麤花浪藥尋常見

誰似霜天澹月痕

辛未九月得小憩

清秋暇日近重陽  
圃菊繁英照草堂  
花入陶家風味好  
地傳甘谷水泉香  
金盤翠羽朝銜露  
雪朶霜枝夜有光  
此際心情差不惡  
閒吟終夕繞匡牀

大內觀字畫六軸

王右丞諸葛運糧圖

蜀道蒼山古驛秋  
雪消巴峽大江流  
可憐籌畫勞丞相

輓粟空悲志未醜

郭忠恕山水

郭外邨南石徑斜  
一行秋雁落平沙  
紙窗茅舍家家竹  
霜樹寒林處處花

易元吉深樹羣獐

日暖秋林柿葉肥  
水邊麋鹿盡忘機  
呦呦渾不驚山鳥  
紅樹枝頭自在飛

馬遠松谿小艇

幽人尋蹟水雲間坐卧扁舟看晚山倚樵不知吟歎久  
松風吹過小谿灣

趙松雪秋林歸騎圖

結屋雲崖霧壑中茅亭石磴倚深松馬蹄今日歸何晚  
躡徧秋山第幾峯

董文敏麥餅宴詩

華亭舊蹟五雲箋麥粳新香列禁筵要識  
九重珍重意來牟最喜入詩篇



文端集卷二十八



欽定四庫全書

文端集卷二十九

大學士張英撰

存誠堂集二十五

近體詩八十三首

讀渭南集東籬記

放翁卜築號東籬闢地才堪寄一枝偶種數花成小徑  
微涵勺水即清池鑑湖上有千秋蹟劔閣爭傳百卷詩

多少高臺起華館寒煙衰草幾人知

曉起

馬首東隅曙漸高回看殘月桂林臯城頭霧宿鴉千點  
橋畔冰銜綠半篙常管欲明憐鶻鳴謾思得過學寒號  
山翁自擁青氈被夢入梅花意正豪

送綏仲歸里省覲二首

冰滿滹沱雪未晴輶車夙駕返江城官居薇省多才譽  
人賦蘭陔有至情新捧絲綸知色喜漫收書卷覺裝輕

天涯骨肉團圓意難聽驪駒第一聲

華髮丹顏本異姿飛觥遙與祝期頤會看抵舍承歡日  
正是加餐勿藥時西阜竹亭應啟戶北山花鴈待銜卮  
圃翁清興猶如昨話向林猿野鶴知

退直夜坐

拂拭東華輦土塵鐙前弄影亦天真武夷茶味如君子  
蘇陸詩篇似故人更漏漸長眠覺穩地爐初暖意相親  
睡鄉饒有封侯樂紙帳梅花一問津

學圃齋前古梅兩榦蠹傷其一賦此

關心頻問舊庭柯白石牆陰覆綠莎  
老樹橫斜芳徑好寒花遙映遠山多  
百年香色惟君在雙榦榮枯奈爾何  
牢護南枝除蠹鱗春風時與拂煙蘿

雪中再過玉螻橋

鳳城晴雪曉雲鮮太液清光接遠天  
積素更添宮瓦麗凝枝真覺古松妍  
千林霽景王摩詰一幅新詩益浩然  
他日空山煨芋火舊遊記取石橋邊

銜盃

雪擁空庭樹清宵聽客吟  
魚蝦江縣味伏臘故鄉心  
水落樵蹊近山寒別館深  
銜盃難忘處梅蕊照芳岑

食芥蔣米

煙汀沙渚挺霜莖風味偏  
含曉露清自是水邊饒雁膳  
何時采采入甜羹

夕歸

退直人歸叩夕扃西風颯  
颯動疎櫺每驚鴉宿門前樹

金少... 卷二十九  
慣看參橫屋角星濁酒喚來雙頰暖舊詩哦向一鎗青  
短牆近接旗亭路擊柝聲寒掩卷聽

蚤起

禁鐘初歇意頻驚自撥熏鑪宿火明馬上還將殘夢去  
一天風雪曉雞聲

送除生南還

月照空庭雪一堆寒鐙相對且銜盃春風草色江南路  
漸向梅花多處來

歲晚寄二郎廷玉

城南營舊館幽事爾須知地僻過從少堂深課讀宜柳  
添垂岸影梅長出檐枝看取梁間燕銜泥繞戶時

夜坐

地接深嚴蚤掩扉煙鐘飄渺漏聲微借來詩卷添良友  
話到田園抵甞歸撥火自煨紅獸暖翦鐙還惜玉蟲飛  
關河風雪三千里稚子音書歲晚稀

輓左橘亭

才華蚤與太冲儔，束髮論交已白頭。  
青史鴻名留大諫，謝家羣從本英流。  
書來故國椒漿遠，草掩荒庭橘樹秋。  
最是臯比心獨苦，蓼莪詩罷泣從遊。

掩關

寒花抱幽質，共此卷書間。  
黯澹深爐火，陂陀小研山。  
難將雙壁價，換取寸心閒。  
老去無多願，焚香晝掩關。

索居二首

節近傳柑只索居，不將塵俗翳清虛。  
當軒倚柱斜陽暖，



細讀樊川伴老書

余從澤州借劍南集答曰此子伴老書也樊川澤州別墅名

驚蟄到來三兩日谿山遙憶發寒枝  
劍南百卷從頭看  
每到梅花定有詩

十四日

滿几鉛黃手一編  
山經圃史自評詮  
狂飈不放鎧花節  
深閉簾櫳看水僊

十五日二首

一盞沈水一甌茶  
心怯笙歌陌上譁  
七載睽離何足歎

金少曰  
年年春事負梅花

矮紙幽窗短句裁  
青樽紅燭水僊開  
兒童別有謹譁樂  
連袂蹋歌歸去來

十六夜

帝里韶華艷此宵  
鳳城西畔景偏饒  
珠幢璧玉旃檀佛  
寶馬香車玉螭橋  
有客閒情常脈脈  
閉門寒月獨蕭蕭  
惟餘十里梅花路  
水國煙邨入夢遙

贈天壇道士二首

久別方壺憶倥傯，忽騎鶴背禁城煙。  
丹顏漆髮還如舊，回首春風二十年。

書卷堆中卧素琴，為予揮手作長吟。  
曾聽幽籟松陰裏，重捲濤聲下碧岑。

西郊和澤州先生韻

走馬來西郭，平明雜夢醒。  
花邨榆莢老，槐路麥田青。  
客貫新豐酒，人過舊宿亭。  
相隣牆樹近，風葉晝冥冥。

同澤州先生再用前韻

金匱山房詩集 卷二十九  
隨意過蘭若相招午睡醒長松深院寂高柳古牆青草  
沒春歸路花飛夕照亭客心同澹蕩小憩亦鴻冥

二月廿二日同長康過西郊法華萬壽摩訶諸寺

四首

野色蒼茫灌木稠西山翠靄接平疇從來韋杜鶯花地  
多半園林屬五侯

連蜷邨樹起春煙南陌纔青見麥田最是客心留賞處  
清谿流向綠楊邊

劫火燒殘古殿空  
曾移鐘簾上陽宮  
貝多十萬華嚴字  
盡在苔痕蘚蹟中

石屋松陰老衲家  
尋幽還傍短牆斜  
西隣偏有閒田地  
一頃山園種杏花

龍眠小蘭若八首

釋子阿

一把茅遮老衲家  
傾欹石洞自唵砮  
春風最是陽坡蚤  
開徧櫻桃幾樹花

寶山

磻谷東偏古衲栖  
石稜盤磴入花蹊  
輞川曾說辛夷隴  
難比春山玉樹齊

師子社

谷口纔過一徑幽  
數椽僧舍小林邱  
入山幾度拋籃輦  
但有梅花便可遊

清泰菴

盤紆雲境入山阿  
曾扣禪關卧薜蘿  
城郭千家青霽合

湖天萬頃白雲多

尊勝菴

留客茶瓜話碧虛  
松岑竹徑愛蕭疎  
昔來未解無生理  
曾釣池頭金鱗魚

九峯

小結香茅嶺樹隈  
東隣禪客數追陪  
鐘聲初動山煙白  
恰自松陰密處來

育報菴

北嶺盤紆路欲迷  
衆峯深處白雲低  
閒門常見山僧往  
菴在長松碧磧西

別峯菴

別有谿山野徑遙  
精藍掩映隔山椒  
惟聞鐘磬寒煙裏  
絕磧深林過板橋

初夏園林十憶詩

新綠

千山嫩綠曉參差  
躑躅初紅一兩枝  
最愛春煙初散處



還憐山雨欲晴時

新秧

榆莢松花夾路齊  
山翁蚤起自扶犁  
一聲布穀霏微雨  
水滿平池稻滿畦

新篁

艤艤纔看稍出土  
離離乍見影過牆  
初拋紫籜青如許  
筠粉吹香日正長

新荷

柳下輕風捲釣絲  
荷錢一夕點淪漪  
南垞欲問花多少  
只看田田出水時

新茶

雲崖霧岫往攜筐  
怪底山僧十日忙  
綠樹陰陰人跡少  
枳籬茅屋焙茶香

新絲

清和天氣雨初晴  
辛苦田家婦子情  
秧馬纔看過龍跡  
繰車又聽隔離聲

新桐

勺藥花繁燕子飛  
碧梧鋪葉蔭巖扉  
雲陰澹蕩波清淺  
綠映山翁白葛衣

新蒲

水漲南塘石岸平  
青青蒲葉繞谿生  
遊魚爭向灘頭淺  
遺子時聞撥刺聲

新鶯

小閣窗臨碧樹谿  
聲聲清轉愛黃鸝  
兒童莫觸花鈴響

留取枝頭自在啼

新燕

柳外雙飛燕子斜  
管巢新定野人家  
清谿曲曲皆桃李  
銜得春泥半是花

澹人寄文衡山魚邨卷子兼系以詩即原韻和答

四首

柳巷蒲谿一樵通  
筍櫻時節落花風  
煙波無限新詩好  
盡在漁歌杳靄中

直廬槐蔭日遲遲正是懷君舊雨時吟到江邨寄來句  
漁竿心事兩人知

蟹火漁榔有夢通心如黃葉怯霜風慙予五畝湖干宅  
深掩梅花夕照中

衰慵豈合退休遲齒豁頭童異曩時畫裡谿山吟望久  
臨風說與故人知

牡丹時同澤州先生過法華寺僧說開數朶皆為  
人折去惟見佛前膽餅中平頭紫一枝耳越月

廷玉書來云讀易樓前開一百七十餘朵因賦  
小圃穠華錦簇籬春風擔卻看花時尋芳惟伴樊川老  
彌勒龕前見一枝

送長康之姑熟幕二首

喜共才人慰寂寥客中閒話盡漁樵思君恰值秋江晚  
采石松風夜聽潮

人似丹青卷碧霞龍眠深處好營家期君結屋清谿上  
同把漁竿數落花

太液

太液蓮開倚碧空  
南枝縞素北枝紅  
石橋莫訝頻回首  
恰在輕煙細雨中

在

內直見馬遠畫松風水月圖  
只清古數筆而神致完備  
為賦截句

隔岸松欹古澗濱  
挂猿枝偃最風神  
由來筆墨宜高簡  
百頃空潭月一輪

題畫二首

寂寂茅亭雪照帷  
寒梅低偃覆檐枝  
閒吟掉臂花陰下  
正是詩成意嬾時

敝廬北阜有孤亭  
鶴去人稀戶晝扃  
遙憶當年鐙火地  
楸花長對遠峯青

遠峯亭倚城西北  
隅隔牆則古靈泉寺  
太霞宮舊為子遊  
目騁懷之地長康  
為作此圖因賦二  
首

吾家亭子帶城偏  
竹隔梅窗伴鶴眠  
何處煙鐘催月落



鳳山西畔古靈泉

路過西巘躡晴沙  
古屋丹題羽士家  
最愛柳塘行不足  
邨煙將暮夕陽斜

長康作松湖山邨圖賦此二首

兩兩漁舟點暮烟  
芰荷杭稻滿平川  
湖山不獨堪留賞  
下有吾家二頃田

松湖兄弟各柴關  
北渚南垞愛往還  
樹接斷雲天接水  
一湖煙雨米家山

小庭秋草作花

玉簪殊有道人風  
月季新苞數點紅  
豆架瓜籬儘瀟灑  
一年秋色蓼花中

紅蓼花四首

秋水灘頭著岸垂  
和煙和雨拂淪漪  
紅絲斗帳條條影  
深護鴛鴦熟睡時

江南開徧舊漁磯  
漁父來時款乃微  
葉密乍迷青篾舫  
花紅偏照綠蓑衣

紅粟枝繁鴈蚤來竹芭籬畔託根荜喜君不戀江湖濶  
種向閒門也自開

寂寥門巷夕陽斜愛爾垂檐近碧紗更有樊川老居士

攤書秋對過牆花

說巖報書云舊種  
葵花今高出牆矣

園花十絕句

松過百年方偃蓋荀經旬日已成林閒觀物理皆如此  
莫為榮枯感道心

籬槿半年相代謝牡丹十日占春光園花亦有乘除數

濃淡中間較短長

重臺蓮藕無嘉味  
千葉榴房子盡酸  
華實由來難並美  
園花消息與參看

長松磊砢意寂寂  
下有凌霄時自妍  
縱使開花松頂上  
憎他天性愛扳緣

花借過枝開轉盛  
果經移接味方甘  
陰陽搏掄非常事  
物性何人靜裏探

桑以飼蠶專號葉  
牡丹尊重但稱花  
羅敷陌上東園裏

管領風光屬一家

吳人稱葉不稱朵洛人稱花不稱牡丹

姚黃絕世緗梅艷數百年中覩異姿說與晉唐人未識

始知天地日新奇

牡丹中異品及緗梅千葉者皆宋以後物

桂挺寒巖忘歲月花經暖室易榮枯甘肥不是長生藥

耄耄終歸山澤臞

秋花閒種倚荆籬淺白輕紅三兩枝雨潤日暄人盡識

和風清露最相宜

梅雨經時屋溜懸閒將石瓮貯來偏花中原有神僊品

不飲街頭苦濁泉

內直見高房山蒼山古木圖

峯因積墨皴偏古樹為撐雲勢益強能事由來鄙凡近  
寒山古木最蒼茫

郭河陽谿山圖

深林蕭槭水潺湲古寺層軒倚碧山睡起茅齋無一事  
午鐘飄出白雲間

趙松雪春山水閣圖

風流僅見趙王孫  
水照春山濕翠痕  
谿上有人開草閣  
杏花相對映柴門

劉照寒蓉雙鴈圖

難得秋光一日閒  
卷書長對瑣窗間  
羨他旅雁雙棲處  
蘆荻芙蓉水一灣

秋日退直

庭槐經手種  
掩映老夫家  
太液西園曲  
紅牆綠樹斜  
好將半閒日  
對此一秋花  
月夕明朝是  
垂簾候彩霞

文端集卷二十九